



Universitätsbibliothek Paderborn

**De Sacra-||mento Evcharistiae,|| contra Oecolampodium,
opusculum:||**

Clicthove, Josse

Coloniæ, 1527

VD16 C 4208

Verba Christi, in sexto euangelii B[eati] Ioannis cap[ite] dicta, de manducatione carnis eius: recte intelligi posse de sumptione sacramentali corporis ipsius, et non tantum de spirituali. VIII.

urn:nbn:de:hbz:466:1-30220

DE SACRAMENTO

¶ Verba Christi, in sexto euāgeliū beati Ioannis capite dicta, de mandatione carnis eius: recte intelligi posse de sumptione sacramentali corporis ipsius, & non tantum de spirituali.

Cap. VIII.

Sextum præterea euāgeliū secundū Ioan nem caput, continens sublimen illum & præclarū domini nostri sermonē de pane illo uitali & superadmirando: multis in locis manifeste prodit & comprobat, in sancto eucharistiae sacramento uerum corpus & sanguinem Christi contineri secundum ipsā rei substantiam, & non solam figuram. Quod sane dilucidius euadet: si modo ante monstrauerimus, illa domini nostri uerba inibi descripta, etiam recte intelligi posse iuxta literalem sententiam de mandatione sacramentali, & (ut ita dixerim) reali corporis dominici: & non tantum de spirituali, ut contendit Oecolampadius. Qui uidens ex eo loco ualida contra se posse sumi argumenta ad comp̄ probandam irrefragabiliter corporis Christi in eucharistia ueritatem: ut illa declinet atque subterfugiat, hunc unum obiectat clypeum omnia illa saluatoris nostri uerba ibidem p̄frolata, tantummodo intelligi debere de spirituali corporis & sanguinis domini sumptione: per intimam mentis devotionē, diuinæque gratiæ susceptionem ac unionem cum deo. & non de sacramentali eucharistiae acceptance: per exteriorem mandationem aut haustum. Quod tamen a uero prorsus alienū esse, facile p̄cipiet: q̄sq̄s antecedētia illius capitatis acta, & cōlequētia Christi uerba, apte cōcinnauerit. ¶ Siquidē prius cibo corporali; magnā ho-

Ioan. 6

EVCHARISTIAE. I. 27

minū multitudinē , diuina uirtute Christus satia
uerat in deserto . Deinde audios adhuc illus cibi
& nihil sublime in eo facto attēdetes: cœlesti ma-
gisterio ipse legifer noster & doctor optimus,
subuexit ad contemplationem & desiderium ci-
bi illius sup̄celestis. quasi eos a carne ad spiritu^z
a terra ad cœlū: a corpore ad mentē, traducens ac
euehens. Quēadmodū & ante, mulierem Samar-
itanā anagogica manuductione ab aquæ corpo-
ralis usu: ad spiritualis aquæ diuīę gratiæ notio-
nē & desideriū, trāssferre studuerat, Nō effet autē
huiusmodi assur rectio a cibo corporali & terre-
stri ad spiritualē cibū atq; cœlestē dñici corporis
cōcinnā & cōueniēs: nisi in eo sermone intelliga
tur fieri mētio de mādicatione sacramētali diuī-
næ eucharistia, ut hoc mō, cibo mortali corporis
respōdeat immortalis aīæ cibus longe omniū ex-
cellētissimus & dignissimus. Adde, q̄p in toto il-
lius sermōnis cōtextu nihil occurrit: qđ apte non
possit accommodari manducatiōi sacramentali,
abscq; obtorta alicuius loci inuersione aut uiolen-
ta expositione. Siq; uero cōtendat, omnia illic dī
cta, solū de spirituali sumptione illius sacramenti
intelligi debere: cogetur pleraq; ibi posita ad sen-
sum trahere quasi literæ repugnantē, neq; tantam
inueniet sententia, inter se cohārentiā & concin-
nitatem: quantam comperiet, eas etiā adaptando
sacramentali sumptioni . Quō enim hæc senten-
tia(ut alias multas prætermittamus;ibidem scri-
ptas) caro mea uere est cibus: & sanguis meus ue-
re est potus, similiter & hæc. Panis quē ego dabo
caro mea est pro mūdi uita, accōmode ad aliū ci-
bū & potū q̄at adaptari: q̄ ad sacramētale? Qua-
lis aut̄ est cibus; talis est & eius mādūcatiō.

Ioan.6

Ad 3

DE SACRAMENTO

hæc, Orthodoxi patres doctrīa celeberrimi, H̄ie
ronymus, August, Ambro. Gregorius, Chryso-
stomus, Cyrillus, Alexandrinus, Nicolaus Lyra
nus, Rupertus Tuitieñ. Theophilactus, & alij cō-
plusculi: locum illum et angelicum explicarūt de
manducatione corporis Christi sacramentali, & nō
solum de spūali. Quidn̄ igitur eorū sequemur ue-
stigia in huius uiae peragratione: & gressibus illo
rum insistemus? Quisq̄s enim illos imitari p̄git:
nec eū malus auferet error, nec in præcipitia aut
diuerticula prauorum dogmatum abducet. ¶ De
niq; ecclesia sancta, authoritate sua (quaē grauissi-
ma apud oēs haberi debet) approbat hanc intelli-
gentiam uerborū domini illic positorū, de sacra-
mentalī manducatione. cum in officio ecclesiasti-
co, in solemnitate uenerabilis sacramenti eucharisti-
cæ decantari solito, & iam olim publico consen-
su recepto: euangelium & alias eiusdem officij p̄-
tes, ex eo desumit loco. quæ minus congruenter
adaptarentur illi celebrati: si non accommodarē-
tur sacramentali sumptioni. In officio itidē missæ
pro defunctis, plerunq; ex eo Ioannis capite desu-
mitur euangeliū: quod nullam haberet ad rē subie-
ctam congruētiā, nisi intelligatur de sacra-
mentali sumptione, qualis fit in missæ pro defunctis
mysterio. ut intelligatur celebratio illa ac oblatio
diuini sacramenti: non mō uiuis, sed & exemptis
hac uita plurimū cōferre. ¶ Necq; subuerendū est
cuiquā, si locus ille euāgelicus explanetur de man-
ducatione sacramentali corporis dñi: ansam inde pre-
beri errori pestifero Bohemorum de cōicatione
laicorum sub utraq; specie, quod copulatim illic
a Christo texatur sermo de manducatione carnis
eius & hibitione sanguinis: tanquam necessaria

4

EVCHARISTIAE. I. 28.

Quicq; ad salutē æternā. Ad quam hæreticorū captiōnem declinādam: adacti fuisse uidentur nōnulli scriptores illius t̄pis, eo contugere, quod uerba illa domini apud Ioannem expressa de manducanda eius carne & bibendo sanguine: intelligi duntaxat debeant de sumptione illius mysterij spūali. Quod tamen (saluo meliori iudicio) factū non oportuit. Nam quicquid sub una specie. scilicet panis sumit eucharistiā: & uerū accipit Christi corpus, & pariter sacerdos eius sanguinē. q̄c consego quodā naturali: sanguis ipse comitetur corpus uiuum et animatū (quale est: sacratissimū Christi corpus in eucharistia) & eidē naturaliter uniatur ac insit. Quocirca laicus sub unica specie utpote panis, ac cipiens sacrā communionē: & māducat uere car nē domini, & uere bibit eius sanguinē. q̄c ut sancta concinit ecclesia: omnibusq; credendū propo nit) manet Christus totus sub utraq; specie. & ita sub specie panis: & uerū eius corpus, & simul eiusdē sanguis, re ipsa continetur. Porro hæc diffusus pertractauimus in primo propugnaculi libro circa finem ipsius. ubi huiusmodi materea de cōmunione laicorum sub una specie: latius est discussa. & aduersariorum captiosa argutia, quæ ex illis se xti capitib; sancti Ioannis uerbis trahitur: inter ceteras obiectiones ibidem etiam est dissoluta. ¶ Neque illud itidem obstaculo est, quo minus illa domini uerba in prædicto Ioannis capite deprōpta, intelligātur de manducatione corporis eius sacramentali: q̄c eo tempore quo habitus est ille sermo Christi ad populu in Capharnaum, nō dū fuerit institutum sacramētum eucharistiæ. sed primū in ultima cœna: sermonē illī multo téporis intervallo subsecuta, neque debuerint uerba

D 4

Capit: 28
& tribus
sequenti-
bus.

§
Iohan. 6
Obiectio
nis dilutio

DE SACRAMENTO

obligatoria ad illius mysterij sumptionem: a Christo explicari (qualia in illo capite contineri uidentur: si de sacramentali intelligentur communione) antequam illud ad quod exprimitur obligatio: fuerat sanctum ac ordinatum. Nempe huiusmodi uerba Christi, obligationem sonantia: intelligenda sunt pro tempore, quo fuerit institutio sacramenti eucharistiae facta, ac promulgata palam quandoquidem de futuro tam mysterio se tunc coram prologi. Christus satis insinuauit: cum futuri temporis uerbo utens dixit. Panis quem ego dabo: caro mea est pro mundi uita. quo quidem dicto, se nondum panem illum de quo loquebatur, dedisse: aperte denunciauit. Sed nonne circa principium suae prædicationis: Christus dixisse scribitur Nicodemo. Nisi quis renatus fuerit ex aqua & spiritu sancto: non potest introire in regnum dei? Quo sane tempore, uero simile est necdum suis institutum ab ipso baptismum: aut saltem non fuisse palam publicatum, & tamen ea uerba obligatoria accipienda tantum erant pro tempore: quo sacramentum illud regeneratiois foret promulgatum. Cur ergo consimili ratione non poterunt uerba illa domini obligatoria ad sumendam eucharistiam, recte accipi pro illius temporis curriculo: quo fuit constitutum a Christo tam sublime mysterium, & fidelibus sufficienter annunciatum? Neque praepostere aut nequicquam dicta putari debent uerba sacratissima domini, de altissimo illo sacramento in propatulo habita: ante primariam illius institutionem postea facta. Cæterum hic rursum insistet forsitan aliquis, & contendet: susceptiorem eucharistiae non esse iuris diuini, cuius tamen oppositam partem, uerba illa domini interminatoria in eos quod non manducauerint carnem eius: si de sacramentali sumptioe intel-

Ioan.6

Iodn.5

6
Ioan.6



ligantur, plane indicare uidentur, q̄m si diuino iure ea diceretur sancita: obstringeretur promiscue oēs & sine discrimine, ad h̄mōi sumptionem, qđ tamen nō ita uidetur se habere. Nam & infantes, & debilitate stomachi laborantes, & alijs legitimo impedimento detenti: ad talē susceptionē nō astricti guntur. ¶ Cui adhibenda est responsio: sumptionem ipsam eucharistiæ (si generalem eius rōnem solū attēdamus) haud dubiæ iuris esse diuini. Determinationem vñ particularem circumstantiæ eiusdem operis: ut qua ætate & quo tpe sumi debet eucharistia, & a qualibus & quō: ex ipsius ecclesiæ sanctæ decreto & cōstitutione emanasse, censendum est. qđ directore spiritu sancto sanciuit per temporē quædam interualla, salutaria statuta illius diuini iuris declaratoria. Necq; illud impedit sacram cōmunionē præcepti esse diuini: qđ non omnes passim & indiscriminatim ad illam sumendum teneantur. Nam obseruare ieunium, & dare eleemosynā, & orationē Deo fundere, diuini sunt iuris: ut de ieunio alias ostendimus. & tamen nō omnes semper astringuntur ad illatria bonorē ope rum genera. quis enim infantulos & graui detentos morbo: dixerit ad ieunium obligari? Haud aliter tametsi non omnes semper obligentur ad sanctam cōmunionem sumendum: id sufficiens non est argumentum ad colligendum, ipsam eucharistiæ susceptionem non esse diuinæ sanctionis, cum ad rationem talis præceptionis, hisce uerbis explicatae. Nisi māduaueritis carnem filij hominis, & biberitis eius sanguinem: non habebitis uitam in uobis. id sufficiat. qđ debeant omnes, cum cōgrua fuerint ætate, ecclesiastico decreto determinata, & nullo legitimo detinentur impedimento, sacrā

D S

Lib. 3. pro
pugnaculi
cap. 8.

Ioan. 6.,

DE SACRAMENTO

¶ sumere eucharistiam. ¶ Deniq; nec illud quempiam moueat ad ea refutanda quæ impræsentiarum proponimus: q; complūculi autores sacri, & uitæ sanctimonia & doctrinæ splendore clarissimi, sextum illud Ioannis caput, cœptum ad ea q; de manducatione carnis filij hominis ibidem edifferūtur: censem esse intelligendum de manducatione spirituali eiusdem. Nā necq; nos ipsi refragamur illi sententiæ: sed ingenue admittimus illa summæ ueritatis uerba, de illa spirituali sumptione etiam accipi posse. Id rāmen unum hic adiçimus: eadē quo q; uerba Christi haud incōgruēter intelligi posse & exponi, de manducatione carnis eiusdē sacramentali. In quo asserto: nequaq; alteri sanctoꝝ pātrum sententiæ reclamamus aut cōtradicimus. cū utrāq; dictarꝝ expositionum, & pia & catholica, meo iudicio, censerī queat. Q; si quis contendat, prædicta Christi uerba tantummo de sumptione spirituali esse intelligenda, & nullo pacto de sacramentali: id moleste non ferat nec grauare, si ratiōibus supra postis inducti discedamus ab ipsius sententia, & in aduersam partem flectamur.

¶ Ex sexto quoq; euangeliꝝ B. Ioannis capite plurifariam confici: q; uerum in sacramēto Eucharistiæ sit Christi corpus, secūdum substantiam.

Ca.IX

Hoc igitur iacto solide fundamento, q; uerba illa Domini, in sexto Ioannis capite cōtentā, recte etiam accipi queant de sumptione Eucharistiæ sacramenta li: nostram superextruamus hoc molimine fabricam, & cœptum ita comprobemus ex eodem Ioannis capite, de ueritate dominici corp